

新刊嵩山居士文集

九

新刊嵩山居士文集卷第三十七

劄子

宋搜刑

某敢問使節循行一道跋涉其勞既還明臺休駕息徒台
侯何如恭惟始就宴息心廣神怡喜此節爽神明加相台
侯動止万福某敢奉一牋候諸侍史惟以尊生為請前須
璽召

二

某治郡不進兩辱輶車臨之實大悻恐謂將被汰遣不謂
尚賜全度朝夕畏懼明使者之威稜終憂難以安位益覺
迂拙非適時之才惟理折棘以須黜免伏希愧仄

三

某到官承頽敝逋負不入官兵至半年無牢廩某即勾稽
以督其輸送蓋夏累年賦租尔近見節下揭榜備坐赦書
正謂布估水脚此州無之某豈敢違戾牒管之文雍過德
澤不下伏恐不知其狀輒布露之

四

其妾庸之姿輒來汗重部牧守之列加以不能仰遵條教
每勤程督豈可更出意見妾有申論然大君子納汗藏疾
肯片其愚而不容貸其用此敢言之彭山劇邑賦調居十
之五其令昏老不任事惟承常異方何以集事今蒙節下
委任唐安勢須數月乃歸則邑事愈致曠廢某不敢祈免

其出但自憂懼不治之罪將愈大矣皇恐皇恐

查運使

伏以夏部為仁氣所熏今夏雨暘以時无復煩蒸共惟拜
節所臨神明所相台候動止万福某亟欲謝拜聞於節下
欲以置郵返報因請尊生以究台相遠業

二

某近觀邸吏報陛下以破內不足勞節下惟益部為西蜀
重地移玉節臨之其為之喜者累日向來不得久在巡屬
乃今復託庇麻殆天怜之從其志耳已作牋遣諸輜車之
前今日驛吏出示教賜尚未語及護軻何也梁山所放錢
穀事開喻本末乃尔固知大君子用意自應如此昨得之
景以叔者妾傳耳併乞台察

又

東望即下秋然不省台用比何如破門多風伏惟調度
定塞向禦冬神明交相台候万福某敢同巡屬以願生為
請遂切行內

二

此蒙印諸書方念恐不契高意為懼尔重承闕諭拜以帑
來望補文房之未滿已屬書牒矣函使不可待敬遣詣明
臺須鄭明至付之也孫掾荷矜恤款一振其淹滯幸甚如
西舍可為致力否某不啻如飢者捧杯捲以待更冀台察

又

某幸甚蚤獲預英游而姑氏孫涪州亦識先府君且有海陵之好某恃此輒敢言之某生十一年而孤為孫涪州教育已恨不及其存有以報之今涪州惟有一孫文昌見任南平軍司理參軍某已為求得薦章一念欲使之改中都官庶以少慰九原微節下不忘疇昔其孰可告之伏望台慈憐其不肯本之誠而就其欲報之志特賜論奏則豈惟某銘佩恩造其孫涪州亦當銜感於下泉率尔干冒悻恐

又

某比在巡屬不得見節下既來此邦又不能專以一介修劄因遣至吳會者持牋以通之侍曹不謂遠蒙手答動動懇益增愧仄不省台用比何如秋已深矣恭惟漕引阜通神明所相台候動止万福某守三里之城坐糜廩粟而已未由尚賓客見教莫厚自持復 歸行內

二

某平生不樂与世追逐老益衰慵得一郡豈其所堪直為貧所驅耳常思得田租百餘斛茅茨數椽即弃官而歸杜門面壁以了餘年書亦不復觀今誰能用書之說哉此邦書籍甚富未嘗求之市節下嘗為人主所知其學蓋可用於天下此邦書籍非節下尚難求之已即印造劄付侍史以歸併冀台察

又

驛隸轉致旨告秋深偃節臺府台候勝常令叔同劄

君舟行欲少遲留無傷也恐須報勿々附驛馬隸不及細未聞所異善調適前侍舖辰

又

畫省之節未行履此杪秋伏惟四道欣欣願聞薄賦神明所相台候万福未由趨詣切祈積精適神佇觀燭野光朝

二

暉上知巴蜀之人因矣節下蓋嘗入侍清光妙膺簡在今以外計相付某已滌削為巴蜀之人賀朝夕致之墨曹

三

某充位以來無可弄錄所賴伐柯不遠遂得昔年無大曠敗感刻不勝道望戒主者更即批吏考敢以為請

周運使

四

此奉手命已作荅未遣諸郎至復辱勞苦之問下情感佩重勤無言可諭因得具省迹來起居狀尤用欣喜嚴霜已零恭惟硤門甚寒調度已定宴處溫密神明所相台候萬福某守地無由詣見更冀持精養神前外清要

二

某遙想齊名當與赤甲白鹽爭高甚恨去硤內之蚤不及見此豫治部受賜之數然外姪右修職郎南平軍司理參軍孫文昌實事郎下僅因薦賢之餘特加論奏使獲秩滿政士都官則某雖去硤內不為不受賜也率尔言之悻恐悻恐

三
台庭內屬過此上下俱安諸郎秀偉之姿真山嶽之寶不
匱也適會慶節屠肆不開而使鯨不可少留姑具蔬食為
愧耳

樊運使

大君子所舍自有中和之氣敢問台用此何如恭惟偃節
宴居衿袍春溫神明所相台侯動止万福某敬遣一介詣
節下代肅拜之謁

二

某巡屬吏也元日不能從賓客賀當修竿牘以伸善言之祝
願奉約束敢忘遵承惟是拳拳之情日異履此春亭遂切
廣內以舊大政之咨不勝誠禱

三

某伏審披垣書贊始下綸告封內傳誦制詞以為聳上知
節下深矣一道循行豈久留之地耶某願賀於明臺而所
被符移中親洒手筆戒以无得通牒某安敢違令但尚吏
民稱幸而已伏乞台察

四

某近上一牋方懼為瀆豈謂特被教告以無若昔者病
守期於尺應歲會某何以仰副責望由來性本迂拙無豐
財之方亦如病守循守故常何能充此歲虛之額但不敢
奪官兵奉稍未免之興而已今者獲遇明使者委官考覈

將為之蠲除以救彫敝幸甚。此所委官已考覈得二十餘方。緡使司如疑其未實。載加詰問。某竊思之。使司亦安能於此一郡。盡除其數。不若量度。闔部可減若干錢。而此一郡為當若干。則於考覈得十二餘方。緡之中。止取某科名除之。其它不從可也。庶幾不致上勞。符移之煩。易以得實。不審高明以為可聽。以否。更乞台照。

又

某伏見夏令未應。天氣甚清。敢問躡躡府亦憊此否。共惟宣布德音。遂致中和。旌節所居。神明來衛。台候動止。万福某守地无由。詣節下。敢請尽珎重理。前外九德之位。

二

某充位以來。已復踰年。遵奉教條。罔敢失墜。封內今年。麥亦善收。年大疾。厲竊尚父老感歎。不敢忘節下之德。

又

某伏見今歲日寒而寒。天序甚正。似於遵養。為宜。敢問台用。以復何如。恭惟理財以道。中和之氣。決於封內。神聖相台候動止。万福某敢同巡屬。以請餐衛。適時保固。躡躡府前。尚三壽作朋。

二

某職在巡屬。當日詣屏下。聽約束。願守地不獲。此志又不。敢時以牋上明臺。乃心馳向於公坐。不啻川駛而雲飛也。伏乞台察。

又

某於元日不得從賓吏賀恭惟一道與衷皆應歲會明臺無事飲此春酒以介眉壽台候動止万福某無由參詣敢乞節宣以時遂如闕宮之頌永享台背鯢齒為王室輔

二

某此率尔上一牋巡屬修劾當如是耳伏蒙寬仁特賜答教展讀在手銘佩著心幸甚

三

某去三月六日至此邦舉隅皆整而常平倉米止餘一万五千餘石其累歲不撥還者二万餘石蓋諸縣截用及負逋不入故也某即啓程督去冬盡以所收撥還二万六千餘石所餘今冬可以悉如額矣近准使司委簡州通判王宣教來封閉常平倉申納管鑰此邦從來以新易陳自正月接續支軍糧至十月收民租則撥還今若閉倉則即日諸軍無稟給兼負之乞丐口食亦年支矣敢望台慈特賜於察行下王通判允解管鑰事迫言切皇恐待命之至

郭提刑

伏聞節下將刃甲舍江水尚平川原清麗之公寓目共惟冲衿超然神相次舍台候動止万福某日聽擊汰之音前詣江干未間更祈足消息理前膺大政之咨

二

某久不通問節下非敢忘盛德屬以不勝郡寄且公心高懷

超絕豈事世俗之禮故耳其如馳心夫子之墻則夙夜以
東也齋舫即日行矣伏乞台察

三

某此不敢違手命輒記雲谿勝地願何足汗樂石耶遠蒙
賜以墨本得託大名及妙墨并以不朽幸甚

新刊嵩山居士文全集卷第三十七

新刊嵩山居士文集卷第三十八

劄子

楊運使

黃濁浪整江水清平正宜敲枹下破伏惟建節而東神相
行邁台候方福某止遠參觀所冀恬養冲矜即趨廣朝

二

某每歎風儀玉立蓋是總章中人物不宜在外服日日須
鋒車至乃賀耳今審往領荆湖輓輸廟堂豈復重勞以
計籍哉殆以入覲道近故也計墮召已來更不為墨啓恐
行李中裁報為勞併冀台察

三

某此在益州即蒙眷接有如素交綢繆至意施及孫祿蒙
被論奏拳拳感刻銘於衿抱忍聞牙樞東峙徑自巴中以
行不獲奉一觴以送鶴首不勝馳心

張提刑

松茂

某昨見敕目伏審遂膺札樂之遣則馳一騶賀於節下度
已半道矣遠承長牋為謝某但與朋舊歡喜豈敢當此札
耶匆匆作報前書巨悉具矣併冀台察

羅參議

仄聞學道之至清心宴坐事來則應故不欲以虛言之問
更煩開覽遂若自疎於明庭願乃情則極馳向也夏氣已
炎伏惟大軒每事詢仰台候勝常某止阻良覲惟祈步趨

寶下前膺有道之徵

二

某迂愚不任為郡充位于此忽然踰年非諸公長者保持之久已汰遺矣幸甚幸甚嚴成忠近自帳下來去左右謂某於公事之間若有疑於統府某安有是哉某平日於訟牒初亦无意有所輕重過亦忘之矣伏冀台察

吳鈞轄

久雨近止氣遂清和伏惟總戎一道神明所相台候万福某未由參詣所祈養性頤神前授齋鉞

二

某近嘗上記未遑嗣遣音介方切懷向今日忽於郵中伏

廿八

二

奉教誨感喜兼并所諭張師顏具知之矣伏冀台悉

又

風日頗清寒不省宴居何如伏惟布政和門神明所相台候勝常某未由趨謁所冀及消息理前建旌節

二

某賴庶存已復暮年无事不欲為虛言之問以勤通覽但有馳心伏辱手誨籠問甚至感愧不可言焉監押遠涉江湖而歸敢不知其勞勩伏幸台照

范運使

某連奉二誨感愧之余自省起居狀下情至慰日將復長恭惟復節未行神相楚馭台候動萬福未由趨謁敢乞持

精養神遊登計相

二

某投老無聞其或有知之者不過節下二公耳亦不敢忘此識察之意近審利東使者之節已至恨不得從賓客賀但遙慶其部父老將被德施也近多言關外以牛計租一牛有歲納六七十斛者其敝不可勝言部下必為振救之幸甚又查漕印書即以帑付書牒須鄭明至當授之併乞台察

程知郡

麥可嘗矣伏惟優游里舍喜此食新台候万福未間更新厚自持政賜報傳

二

久聞大門與蘇石為一州之望所積既厚人才輩出蓋至今也願如左右所至不止三最正當蜀士彙征之時不應獨未被尺一耳行且見之

三

某壬午冬道過遂州公實棄泥載在焉初意得識老成之風儀不謂適出行縣乃心悵恨今未衰也豈料將有承教之便於此其何善公之

四

某止欲得祿食耳不意磨堂不量其愚界此各邦方欲訪者哲而求未聞以為迂拙之指南先蒙記存賦以扎翰感

作大不可言更須面謝

唐知郡

數日天氣淑清伏惟高卧在家安於爽塏台候萬福未間更祈留養冲粹益究耆艾之祉

二

某嘗惜博大之用滯於外服今幸期稱道猶宜膺大政之咨不應尚居里巷也惟喜此方漸深君子之澤為多且甚

三

某比得見於募門雖足慰其景慕之懷其如左右在行役不劇言集一笑之歡翻為惘惘矣易守而來喜遂室近願妻孥困於應接未及先以書走廬下遠承勞問感作不勝

道也

道也

四

某之才為之小則可耳今來治此才智之民何以勝其任公能告以所未聞而補其所不逮乃區區之望於朋舊也

蘇知郡

數日不瞻晤方切懷詠辱手示欣省甲舍安隱台候勝常敬具此修報

二

此屈熊軾一來而漿酒霍肉不精都不足致陶然至今為愧何辱謝也羣騶須券食巨付邑王者矣尚有它委否

八

久聞熊軾當歸今日忽奉手誨喜可知也風日正尔妍和
伏惟見故山草木意自休暢台候勝常未間更祈厚加調
適佇觀河潤九里

二

某以至郡未及修問先辱華牋所以撫存甚寵至今愧不
能滿此意也終日汨汨簿書間欲繼為一番之書竟亦不
辦積年之懷何由宣寫喜聞朝夕至郭下併須面究

嘉州知郡

以來草木鮮榮伏惟千騎行春與民同樂台候勝常某遙
歎高風無由良會唯祈尺珍重理前膺札樂之遣

二

廿八

五

某既未得奉色辭直思日日為問願不欲奪裁劃而動修
報耳近婦兄間立君來備言眷接異於董濟敢謂不鄙迂
拙而辱願之因施及其外屬感刻何可言敬具此謝

程達州

日望熊軾尚未來極懷向辱手示欣省戒途有日台候
勝常賢從子欲參外選一一如所諭某四日暫往視通濟
堰性返只數日耳敢問雙旌何時至郭下平未間千萬保
童前膺表用

又

秋歲已數日伏惟陽和充庭台候勝常未間更新頤神益
壽進領輓輸

二
元日不得賀廬下又不能致區區之禮特辱來告深相贊
頌益增慚悚十駟并廩食具又矣更聽後日也

又

遙想林廬清勝無復暑氣伏惟台候超然未間更以順令
薄滋味為請以俟增秩

二

某日懼為政不滿邦人之望不省亦有以相規否示喻程
慶約取蔭自其本宗不謂重勞台慮也秋涼能枉熊軾見
願乎

范知郡

仲月多雨殊清伏惟安於甲舍體府自康台候勝常瞻禧
未日更祈調適復初以究遐祉

二

此因侍史歸奉報并致奉錢矣若承手誨感感刻刻送騶
士已還火伍中餘留使令於前無傷也它有委否

程邛州

久不聞問不省台用此何如田野風日晏溫伏惟熊軾將
駕台候勝常日佇臨願慰此傾向更新厚章則賜節傳

二

近日益州歸亦小憊未能問諸舍下先承手誨勞苦感愧
不可言也某忽忽七告朔於此終無可紀以副羣望公何

譽之深乎正願求所以 施於一邦者見教某尚何有出
於公之意外者耶

又

派夏以來白鶴山爽氣日加伏惟宴坐甚清神相布政台
候勝常某未由參詣更冀全真養和前膺軟輪之召

二

某治郡不進常恐為門庭羞日望有以誨其不逮忽承為
不肖子開說驚惶良久之此公事不得曲聽愧仄及併初景察

又

天氣始尔開霽漸可御締綸伏惟鈴下無事神相清淨台
候万福某未由參詣更祈尽消息理前賜節傳

書

三

七

二

某不勝郡寄日不暇給遂踈上記但有馳向忽奉手誨得
聞起居喜慰之外且增慚怍示喻備悉者委願聞之

又

淡冬不聞起居狀不省台用此何如白鶴山高氣當寒泛
伏惟政成坐嘯神明並貺台候万福某尚餘良覲更冀結
嚼輔生前賜盛漢之節

二

某於此忽八告朔矣迂拙當劇郡曠瘵甚多當憂不稱乎
日論薦不賜一言之誨何也今歲東隄又當修遣人往市
隱材敢望戒津吏繩其弄縉使此隄亟成邦人不敢忘紛

徐之雲所及也。想在高明必念及此。甚幸甚。

呈嘉州 潘閣

歲盡伏惟九頂之下和氣充塞台候勝常某婦兄閭丘君行臺已有檄罷之願為保持得亟去幸甚未有請公座之日所祈於當前外台室

某此遣伉俪持齋釀以奉椒觴輒忘其味薄也方愧不足飲長者遠承函使臨門分以兕觥之餘洗醖開筵便養有沃泱大國之風當戒酒人自今用此典刑也感刻不勝道紙短不能伸寫

三十八

新刊嵩山居士文全集卷第三十八

新刊嵩山居士文全集卷第三十九

劄子

謝知郡

某久聞以休甲舍而日困於簿書期會欲遣一番相勞苦至今未能也愧及何言即日草木已萌動伏惟矜抱受此始和台候勝常未有見日更新幸期稱道過於喬松前膺乞言之拜

二

公解臨江印綬久矣何尚未賜左符乎今日為邦無復古之樂者得從容廬壘却似差勝耳賢從子來此郡庭望分憂然其性似寬緩更告佩之弦以戒之為佳

章閩州

章閩州

在梁山時辱函使臨之自尔不復聞音息不省台用此何如南陸脩景伏惟政成已久千里緩帶神明寵相台候勝常各守一邦未有會期更冀及珍重理前建盛儀之節

二

某以為郡終更得以理去已幸乃復被命易守眉陽短綫無兼稱何以得此皆政存所及耳及欲為一牋謝於長者始至不勝簿領之煩迨今少間遣此介通討亦已晚矣愧仄何言向來久在硤內不能具暑服治所出嘉穀輒因是往錢引二十告為求之市甫耳修交際之問而遽以溷執事惟時眷照乃然更祈台亮

程知郡動

數日江雨時作涼暄殊未定伏惟甲令高明啓處具具口
俟勝常未間更冀厚自持前有趨召

二

某以過廬下特勞熊軾釋燕安之樂而遠至道周此意
非衰鈍所宜致也敬為一書以謝而始至不暇先承貽問
尤增感愧

三

某准耆哲居是邦為其長吏者所宜加礼以勸里閭况執
事耶所諭使令不足於前敢不曲聽但營兵出戍它州及
充牽馬之役日為上司督責尚未能也輒納公移去切幸

台亮

宋隆州書

仲月頗多雨不特解邑屋煩鬱稻粟亦美伏惟治部阡陌
有佳色坐嘯對之台候方福某未由瞻謁更冀導卷得理
前賜節蓋章傳

二

某區區此邦而士多於農詩書多於藝燕喜襄州也幸接樂
郊日夕思矜式善政有以富之而不能也迂蒙計庭伶其
窮空分治所盭策見餉敢往請於庾吏所謂以君之餘而
彼及於此豈勝感作所望早為給之幸甚幸甚

又

幸此壤界日聞令音有得於函使往返之外喜慰何可言
秋氣頓尔肅清伏惟跨鰲之峯爽氣來萃九蓆政成無事
享此宴閑台候勝常某玄由與賓客以奉談笑惟祈尽消
息理前膺禮樂之遺

二

某短淺不勝千里之寄而屬當窮空之後殆年以給調度
賴治所嘗分牢盆之饒及之非惟某拜貺實亦闔郡拜貺
也尚有一百十五檐敢以請於鈐下所望矜察其窮空而
尽付以來不勝幸甚

石通判

山中風已寒烈否伏惟台候勝常未聞千万厚自持進領藩

二

歲將窮矣董攝封內以應期會亦少勞心使其得以蒙成
幸也令子來治閔市之征某正欲見鋒穎因書勉之

馮通判

泥軼以見過正慰馳懷但恨不可更留談宴以妨曹事耳
辱手示知已休舍疏理填委亦良勞也山氣計已作寒伏
惟台候勝常某按刑已不堪任况兼將漕正望左右率先
此部使餽餉不稽也未聞千万厚自持前外清途

宇文簡州

師猷

某爲貧所驅日投喧闐益竟宴閑可樂伏惟佩二千石印
綬從容林廬卧看遶屋扶踈台候勝常某未有見日更祈

厚自持前有駢語

二

某久知左右固是大門後來一器壬午之秋始得見於益州帳下虫匆匆不能盡窺涯涘要略如所聞矣尔後相望耿耿又衰懶之性不喜作世俗書但有馳懷今來此邦去甲舍不遠正擬為問先辱記存以勞苦之愧及不可言

三

某不自量而當

鄆郡日夕愧懼不勝耳常辱貺以書

者宜有規之不謂愛予之深而忘其短過欲修飾固陋加以溢美之言左右其誰欺乎繼此願聞忠告其既勞於事亦忌退而休息近治一室而居山之久喜山之念不衰或

傳齊生有奇石有可焚香者求一峯皇恐

嘉州知郡

此距鈴下不遠日聞休養有不待書函往來故逐跡上記不省台用此何如秋高尚未全清伏惟兼領三臺裁劑有餘神明所相台候勝常未間更祈尽消息理佇觀真賜即

二

某幸預世好凡某之外屬則於大門亦外屬也安給事之子某外兄奄卒益州帳下壺輻東岫行路且傷之今道過治府願無令津吏帶苗得即行使逝者早就壙不敢忘德伏想寬仁不惟念及世好之家亦必動心矣率尔敢言之

愧及

叙州知郡

仄聞自廬上來守邊為大府所知微分亦當畏服涉秋以來伏惟緩帶宴居感自及遠台候勝常未由言集祈厚自持前尹環列

二

其襄懶未能即通許今正欲伏食寐會外兄安制幹之喪東以取道治府因附其子致此書敢望在使津吏滯留也修問而及其私愧仄

楊榮州

久別靡日不懷忽奉手誨喜審已駕朱轡行役安穩台候勝常遣伉步以候前驅

公市 廿五

五

二

通川得奉談宴未嘗不念此樂場來益部年從為問惟是悵耳以見勅目知頌三榮之左符不謂能賦乃過此邦親得奉一觴為其父老賀也館舍淨掃已併期面究

又

三榮山中秋氣計已作寒伏惟黃堂已當埋壘台候勝常未間千万厚自持更偃大藩

二

相距接壤而不能時通評正厭世俗浮碎故耳其於懷向老成正自不置也香橙西州所無特承分甘感刻蜀牋二百謾助揮淋漓少愧仄

李雅州

治所號為多雨秋氣益當增爽伏惟宴坐甚清台候勝常
未有見日更祈保練前有賜金

二

某性益衰懶省視簿書罷即高卧矣不能時以一介快鈴
下方切馳懷忽承惠翰拳拳之情有加但劇愧及報道路
之傳安有是哉

任知郡

林壑間已竟陽和至矣不省舍下何如伏惟冲衿粹温台
候勝常未間更祈留養前賜節符

二

某不勝郡寄日不暇給不能時致鄉長者咨請風俗所宜
劇懷向元正佳節也當奉羊酒以賀既不辨此礼又未及
修牋致善頌之意先承華翰相慶愧仄大不可言春和亦
可以出否併冀台察

楊蜀州

承熊軾已以甲舍伏惟遠行犯寒得就壻塞台候勝常關
絕亦復旬胡懷向不可言知且燕休坐阻言集伏希悒々
餘祈厚自持前觀幸十五州之最

二

此見楚朝意謂諸公觀二難之高致即留漢庭今乘長安
既車而此千里蒙福矣况唐安乃節度府庸堂不輕昇什

當自是小則遣以禮樂大則補公卿之次矣幸少須之

何隆州 著仲

累累奉來許皆親染翰開讀復如晤對也感感刻刻此來
私氣頗淒緊伏惟三竭爽氣日加公候勝常所告為政二
古來良二千石正自尔耳幸不倦以終之促際未近千万
繕性前當振藻皇塗

又

此來寒暄尚未定伏惟黃堂宜於四序台候勝常未間千
萬厚自持前有冲邁

二

其從來嗟嘆幹略左右要亦自期於古人標置軼羣凡百
不待程督也仁壽縣乃尔縱更自今幸為深禁察之為佳
耳其楚尔兼將輸迂拙豈所堪任正望左右勉應期會為
一道率也

道威州 真

辱書欣聞乘塞甚安尊候勝常治所接近徼外益州所持
以為藩垣正行以公廉則疆場益靜矣從來守邊市徼外
物幸年然未間千万厚自持至觀感狀

宇文黎州

塞之益當多風有寒意矣伏惟預戒堽塞台候勝常未間
千万厚自持前外華劇

二

治所亦復少事否微外馴服期會且遣此三千石之最也
選相夙夜匪懈無志於此某於一道之課自稽考焉幸滿
此意

湯石泉 尚

飽聞治所在泉石間地勝事簡伏惟黃堂遽清才為夏宜
台候勝常會晤未日更祈保蓄前有進律

二

某為別幾年矣懷向豈可言但尋去梁山即在行役中去
月六日至此承頽弊之後短才不勝煩劇復不辦遣一介
修交隣之問先辱眷存寵以華翰感慰且忭不敢稽首函
使草具為報幸垂台亮

新刊高山居士文全集卷第三十九

